



Dopo une ridatazion des contis, cun tant di numerazion, e une netade a cualchi post che non coventave plui, o doprìn un post che al stedi chi a rindi cont de Ostarie e dal so andament tal prin an, de sô nassude, ai 14 di Zenâr dal 2009, ae fin dal an.

Lu scrivin dopo, ma o fasin fente di jessi ae fin dal prin an di vite e vie cussì.

Alore... in totâl o vin publicât **97 contis par 25 autôrs**, plui 4 contis di fruts.

I autôrs a son 7 feminis e 18 oms, e jenfri di lôr o vin 3 anonims che o savin cui che a son, e doi anonims che invezit a àn volût restâ misteriôs

Dôs contis di chês publicadis, a son stadis voltadis par furlan dal talian, par il rest, lis contis a son dutis rivadis par furlan e a son ineditis.

I autôrs plui prolifics, par chest an, cun 10 contis a cjâf, a son l'Ostîr e Jaio Furlanâr, ma il Spirt Anonim Gianfranco Pellegrini a 'nt àn pocjis di mancul.

I gjenars a son dispès di ande romantiche, sociâl o ironiche ma no mancjin contis di pôre e di fantasience, neris o di gjenar sureâl.

Insome, par il prin an de Ostarie, o podìn dì che al è stât une vore positîf!